



KOMUNIKADO BA IMPRENSA

DNTPSC HALAO TAN PUBLIKASAUN MAPA RAI NIAN IHA KAPITAL DISTRITU BAUCAU

Iha loron 23 Marsu 2010, Governu Timor-Leste, liu husi Direção Nacional de Terras, Propriedades e Serviços Cadastrais (DNTPSC), hala'o publikasaun mapa hodi fo sai rezultadu deklarasaun na'in ba rai iha Kapital Distritu Baucau.

Eng. Jaime Xavier Lopes, Director DNTPSC hateten *“Objetivu husi publikasaun mapa ne'ebe refere mak atu garante transparansia iha prosesu halo deklarasaun na'in ba rai nian. Iha periodu ne'e deklarantes sira bele ba verifika no hadia sira nia dadus, karik iha dadus ruma ne'ebe sala. Nune'e mos halo reklamasaun hasoru ema ruma ne'ebe halo ona deklarasaun ba ita nia rai. Tan ne'e Director DNTPSC ne'e husu ba maluk na'in ba rai sira iha area ne'ebe refere atu ba haree ita boot sira nia dadus iha publikasaun refere hodi aprova ita boot sira nia dadus. Tanba durasaun tempu ba publikasaun mapa mak loron 30 no depois ne'e sei la iha tan ona reklamasaun ka hadia dadus”*.

Area koleksaun nebe inklui iha publikasaun ohin maka Sub Distrito Baucau, Suku Bahu no Tirilolo, Aldeia Ana-Ulo, Lutumutu no Lamegua. Publikasaun ne'e sei hahu loron 23 Marsu 2010 no sei remata iha 05 Maiu 2010. Publikasaun mapa sei taka iha Edifisiu Administrasaun Distrital Baucau, Bairo Lamegua (Xefi-Aldeia nia uma), no Bairo Central (Cina nia uma ka fa'an foos fatin), DNTPSC/Edifisiu Ita Nia Rai Baucau no Sede DNTPSC iha Dili. Bele asesu mos iha internet, liu husi: www.itaniarai.tl

Dekretu Ministerial No. 229/2008 de 1 Julhu 2008 fó mandatu ba DNTPSC atu hala'o publikasaun ba dadus rai ne'ebe rekolha tiha ona durante prosesu levantamento dadus. Durante tempu ne'e, ema sei bele hato'o deklarasaun foun ida, no mos bele hatama reklamasaun, ne'ebe hanesan disputa ida kontra ema seluk nia deklarasaun. Bainhira publikasaun hotu ona, ema sei

HAMETIN DIREITU DA PROPRIEDADE IHA TIMOR LESTE
Balide, Dili, Timor-Leste

Jose Caetano Guterres

For more information, please contact:
TEL: +670 730 4325 Email: JCaetano@sprt.tl



labele hatama deklarasaun foun ka halo reklamasaun ba ema seluk nia deklarasaun iha area ne'ebe refere.

Programa Ita Nia Rai ho durasaun tinan Lima (2007 – 2012) hetan fundus husi Governu Amerikano liu hosi USAID hodi tulun Governu Timor-Leste atu aseguara direitu ba rai no propriedade iha Timor-Leste. Servisu hamutuk ho DNTPSC (Ministerio da Justiça), programa ida ne'e atu fô assistensia téknika no suporta regulamentu ba dezvoltamentu sustentavel no transparante ba sistema administrasaun rai iha Timor-Leste. Dadaun ne'e prosesu foti dadus kona-ba rai hala'o ona iha Capital Distritu Aileu, Baucau, Bobonaro, Liquiça, Manatuto, Oecusse, Dili, Lautem no la kleur tan sei habelar ba Capital Distritu Covalima no Ainaro.

- Remata -

HAMETIN DIREITU DA PROPRIEDADE IHA TIMOR LESTE
Balide, Dili, Timor-Leste

Jose Caetano Guterres

For more information, please contact:
TEL: +670 730 4325 **Email: JCaetano@sprt.tl**